




МЕСЯЦА ДЕКАБРЯ В 22-Й ДЕНЬ¹

Преподо=бнаго и богоно=снаго отца= на=шего
Ники=фора Прокаже=ннаго, чудотворца

НА МАЛЕЙ ВЕЧЕРНЕ

На Го=споди, воззва=х: стихи=ры на 4, глас 4.

Подобен: Яко до=бля в му=ченицех:

Анфи=ма, иже в Хио=се, рече=ний/ послу=шаше,
Ники=форе всече=стне,/ и поше=л еси мона=шескими
стопа=ми:/ по=ст бо возлюби=л еси, бде=ние и
молча==ние,/ и молитву непреста=нную,/ не пощаде=в
прокаже=нныя плоти твоя= / тве=рдою мы=слию,/ но
по=двигом соде=лал еси ю\ сне=га беле=йшу.

Боле=зни в телеси= от прокаже=ния/ претерпе=л еси,
яко Иов,/ ра=дуюся, крепкоду=шне,/ по=слежде о=чию
лише=ние,/ члено=в же разслабле=ние, Ники=форе,/
оба=че взе=млем на высоту=,/ яко Евме=ний тя ви=де,
честны=й ученик,/ я=коже Павел, до=броту Божию
созерца=ше,\ ея=же ны=не наслажда=ешия,
веселя=ся.

¹ По новому стилю 4 января. В Элладской Церкви, перешедшей на новый стиль, память святого Никифора приходится на предпразнство Богоявления, для совершающих память по старому стилю — на предпразнство Рождества, Богородичны которого здесь и приводятся.

Дарова=ний честны=х кивот,/ Ники=форе, ты
позна=хом,/ сокро=вище многоце=нное,/ Це=ркве же
маргари=т и утвержде=ние,/ учи=теля иску=снаго
непреста=нная моли=твы,/ печա=льных утеше=ние,/
смире=ния и нестяжа=ния о=браз,/ благово=ния
мироуха=ннаго вмести=лице,\ крин чуде=с
сладкото=чный.

Христоимени=тых мно=жества/ пра=здник днесь
ра=достен/ рукопле=щуще, пе=сньми, прииди=те,
увенча=им/ Ники=фора прокаже=ннаго,/ ныне
преше=дшаго/ прокаже=ния стезю= у=зкую/ и зва=ние
де=лы оправди=вша,/ яко низло=жившаго силу
злоко=зненнаго\ терпе=нием непрекло=нным боле=зней
и печа=лей.

Сла=ва, глас 1:

Добропобе=днаго вене=чника Небе=снаго
во=инства,/ прии=дите, побе=дно вси увенча=им./
Ники=фора прокаже=ннаго,/ безро=потно поне=сшаго
крест/ преболе=зненныя не=мощи./ Терпе=нием
искуше=н, па=че зла=та сия=ет/ и диади=му
прекра=сную прия=л есть/ от руки= Госпо=дни./ Сего
доброде=тели воспои=м,/ поне=же обрето=хом
предста=теля к Бо=гу/ во еже дарова=ти всем\
очище=ние и ве=лию ми=лость.

И ны=не, предпра=знства, глас то=йже.

Подо=бен: Приими=, Симео=не:

Приими=те, ясли,/ Его=же в купине= Моисей
законополо=жник/ прови=де в Хори=ве,/ ны=не
ражда=ема от Девы/ Духом Боже=ственным./ Та есть,
Яже в зако=не рече=нная,/ Та есть проро=ческая
печа=ть,/ Яже Бога пло=тию тле=нным явля=ющи,\
Ему=же поклонимся.

На стихо=вне стихи=ры, глас 2.

Подобен: До=ме Евфрафов:

Яко весна= ди==вная/ в студени стра=стнем,/
боже=ственный Ники=фор процвете=/ и согрева=ет\
утеше=нием Небе=сным.

Стих: Честна= пред Го=сподем/ сме=рть преподо=бных Его.

Прокаже=ние твоя пло=ти/ проне=с, Ники=форе,/
яко Иов, до==бле,/ с ним же душа= твоя\ Бо=жию
Престо=лу предстои=т.

Стих: Блаже==н муж, бояйся Го=спода,/ в за=поведех Его
восхо=щет зело.

Крит о тебе игра=ет/ и Хио=с веселится/ твоею
па=мятию, Ники=форе,/ Небе=сные же Си=лы\ вся
сликовству=ют.

Сла=ва, глас и подо=бен то=йже:

Отец с Сы=ном/ и Ду=хом Боже=ственным,/
Еди=ница Трисвята=я/ ны=не от ве=рных прие=млет\
песнь трисвяту=ю.

И ныне, самоподо=бен:

До=ме Евфра=фов,/ гра=де святы=й, / проро=ков
сла=во,/ украси= дом,/ в не=мже Божестве=нный
ражда=ется.

Тропарь свята=го, глас 4: Пло=ти твоя=
прокаже=ние: пи==сан на вели=цей вечерни. Сла=ва, и
ны==не предпразднства: Гото==вися, Вифлееме:

НА ВЕЛИЦЕЙ ВЕЧЕРНЕ

Блаже=н муж: 1-ый антифо=н.

На Го=споди, воззва=х: стихи=ры на 8, глас 1.

Подобен: Всехва=льнии мученицы:

Якоже весна= зимо=ю/ Ники=фора днесь
прокаже=ннаго па=мять процвете=,/ стра=стный мраз
отгоня=ющи,/ теплоту= душа=м подаю=щи,/ и
боже=ственное вои=стинну ра=дование,/ лице земли/
благообра=зно крася=щи\светлостьюми= жи=тия
изря=днаго.

Прокаже=ния пренеся= пла=мень,/ Ники=форе
всече=стне,/ паче зла=та просия=л еси,/ Христо=ву
неизрече=нную явля=я добро=ту,/ и Сего соделався
свети=льник верху= горы=,/ свет лия= незаходи=мый/ и
боже=ственным веселие=м\ наставля=я ве=рных
исполне=ния.

Кри=те, радуйся,/ своего= сына Ники=фора зря,/
белори=зно приоде=янна/ и вене=ц славы нося=ща,/ в
горни=ле бо прокажения искова=н,/ пребысть адама=нт
земный тверде=йший,/ и ны=не нетле=нное раздает
бога=тство всем,\ страда=ния его ублажа=ющим.

Ины стихи=ры, глас 8.

Подобен: О, преславнаго чудесе:

О, дивное чудо!/ В прокаже=нней пло=ти Никифор
всечестны=й/ а=нгельския дости=же/ чистоты=
безме=рная,/ претерпев страдание преболе=зненное,/ в
веселии ныне радуется./ Того молитвами священными,
Человеколю=бче,\ блаженства Небе=снаго Твоего ны
сподоби.

Радуйся, Никифоре всече=стне!/ Терпения правило,/
крепкоду=шая о=бразе,/соверше=ннаго подвига
начерта=ние богозна=менное,/воздержания дру=же
любе=зный,/ нестяжа=ния вели=кий учи=телю,/ вы́сото=,

к неизрече=нному в плоти возвы=шенный!/ Небесе=
узрел еси ди=вная,\ я=коже Павел пе=рвее.

Тру=дниче во благоче=стии изя=щный,/
многострада=льного Иова подража=телю
усе=рднейший,/ ни=щаго Ла=заря, иже в стру=пех,
равностоя=телю,/ в печи= прокаже=ния/ я=ко дре=вле
о=троцы боже=ственнии/ ста неуязви=мо,/ ра=дуюся же
воспева=ше/ имя Бога нашего,\ Его же выну моли о
любящих тя.

Слава, глас 8:

Благочестия ревни=теля,/ доброго подвига
тру=дника,/ терпения глави=зну,/ Никифора честна=го/
прииди=те, согла=сно да почти=м./ Сей бо, проше=д/
сквозе= огонь и воду/ преболе=зненного прокаже=ния,/
изы=де ко упокое=нию ра=дости./ В горни=ле же
печа=лей окова=нный,/ паче зла=та сия=ет,/ всем
душа=м подая=\ блаже=нство спасе=ния.

И ныне, предпра=зднства, глас 4:

Вифлее=ме, украша=йся,/ воспо=й, гра=де Сио=не,/
ра=дуйся, пусты=не, предобруча=ющи ра=дость:/
звезда= бо предъи=дет в Вифлее=м,/ возвеща=ющи
хотя=щаго роди=тися Христа=,/ и верте=п прие=млет
Невмести=маго все=ми,/ и я=сли гото=вятся восприя=ти
Жизнь ве=чную./ Тому= вси воспои=м и возопии=м:/
спаси= души на=ша, Иису=се Бо=же,\ воплоти=выйся
нас ра=ди.

Вход. Прокимен дне. И чтения.

Притчей чтение (главы 10 и 8):

Па=мь па=веднаго с похва=ми, и благосло=вие
Госпо=дне на главе= его./ Блаже=н челове=к, и=же
обре=те премудрость,/ и сме=ртен, и=же уве=де
разум./ Луч=ше бо сию купова=ти, не=жели зла=та и
сребра= сокровища./ Честне=йшая же есть ка=мений
многоце=нных,/ все же честно=е недосто=йно ея есть./
Долгота= бо дней и ле=та живота= в десни=це ея,/ в
шу=йце же ея бога=тство и сла=ва. / От уст ея исходит
пра=вда,/ зако=н же и милость на язы=це но=сит./
Послу=шайте у=бо мене=, о чада, честна=я бо реку=,/ и
блаже=н челове=к, и=же пути моя сохрани=т:/ исхо=ди
бо мои=, исхо=ди живота=, / и уготовля=ется хоте=ние
от Го=спода./ Сего ради молю= вас, и предлага=ю мой
глас сыново=м челове=ческим,/ яко аз, премудрость,
устро=их совет, / и разум, и смысл аз призва=х, / мой
совет и утвержде=ние,/ мой разум, моя же кре=пость./
Аз мене= лю=бящая люблю=, / и=щущии же мене
обря=щут благода=ть./ Разуме=йте убо, незло=бивии,
кова=рство,/ ненака=занныи же, прилага=йте сердца=./
Послу=шайте мене и па=ки:/ честна=я бо реку= / и
отве=рзу от усте=н пра=вая,/ яко и=стине поучи=тся
горта=нь мой,/ ме=рзки же предо мно=ю устны=
лжи=выя./ С пра=вдою вси глаго=лы уст моих,/
ничто=же в них стро=потно, ниже= развраще=нно./ Вся
пра=ва суть разумева=ющим/ и про=ста обрета=ющим
разум./ Науча=ю бо вас и=стине,/ да бу=дет о Го=споде
наде=жда ваша,/ и испо=лнитеся Духа.

При=тчей чте=ние (главы 10 и 11):

Уста= праведнаго ка=плют премудрость,/ язы=к же
непра=веднаго поги=бнет./ Устне= муже=й пра=ведных
ка=плют благода=ти,/ уста= же нечести=вых
развраща=ются./ Ме=рила льсти=вая ме=рзость пред
Го=сподем, / вес же пра=ведный прия=тен Ему./ Иде=же

а=ще вни=дет досажде=ние, та=мо и безче=стие,/ уста= же смире=нных поуча=ются премудрости./ Соверше=ние пра=вых наста=вит их/ и поползнове=ние отрица=ющихся упасе=т их./ Не по=льзуют име=ния в день я=рости, пра=вда же изба=вит от смерти./ Умер пра=ведный, оста=ви раска=яние,/ нару=чна же бывает и посмея=тельна нечести=вых па=губа./ Правда непоро=чного исправля=ет пути,/ в нече=стие же па=дает непра=вда./ Пра=вда муже=й пра=вых изба=вит их,/ безсове=тием же пленя=ются беззаконии./ Сконча=вшуся му=жу пра=ведну, не поги=бнет наде=жда,/ похвала= же нечести=вых поги=бнет./ Пра=ведник от ло=ва убе=гнет,/ в него=же место предается нечести=вый./ Во усте=х нечести=вых сеть гра=жданом,/ чувство же пра=ведных благоспе=шное./ Во благи=х пра=ведных испра=вится град,/и в гибели нечести=вых ра=дование./ Во благослове=нии пра=вых возвы=сится град, / усты= же нечести=вых раскопа=ется./ Руга=ется гра=жданом лише=нный ра=зума,/ муж же мудрый безмо=лвие водит.

Премудрости Соломони чтение (глава 3):

Пра=ведных ду=ши в руке Бо=жией, / и не прико=снется их мука./ Непщева=ни бы=ша во очесе=х безу=мных умре=ти,/ и вмени=ся озлобле=ние исход их,/ и еже от нас шествие — сокрушение,/ они же суть в мире. / Ибо пред лице=м челове=ческим аще и му=ку прии=мут,/ упова=ние их безсме=ртня испо=лнено./ И вма=ле нака=заны бы=вшие, вели=кими благоде=тельствова=ни бу=дут,/ яко Бог искуси= я и

обре=те их досто=йны Себе=./ Яко злато в горни=ле,
искуси= их/ и, яко всепло=дие же=ртвенное, прият я. / И
во вре=мя посеще=ния их возсия=ют / и, яко и=скры по
сте=блию, потеку=т./ Су=дят язы=ком и облада=ют
людьми=,/ и воцари=тся Господь в них во веки./
Наде=ющиися Нань разуме=ют и=стину / и ве=рнии в
любви= пребу=дут Ему,/ яко благода=ть и ми=лость в
преподо=бных Его/ и посеще=ние во избра=нных Его.

На литии стихи=ры самогла=сны

Глас 1: Христо=ва до=браго и ве=рнейшаго раба=,/
Ники=фора блаже=ннаго,/ прииди=те, вси ублажи=м./
Свой бо тала=нт приле=жно возде=лав,/ в му=жестве
изря=днем и ди=внем терпе=нии,/ стокра=т умно=жи./
Сего ради и вшед в неве=стник сла=вы,/ мо=лится с
пра=ведными непреста=нно\ спасти=ся душа=м нашим.

Глас 2: Звезду= пресве=тлую,/ от Кри=та
возше=дшую/ и всю тварь светом своим
новоле=пнейшим озари=вшую,/ прииди=те,
светоиме=нными пе=снями возвели=чим,/ Ники=фора
Богому=драго,/ ра=дуйся, тому реку=ще,/ сы=не дне
светоза=рный,/ и=же имя свое оправди=вый де=лы,/
я=ко победи=вый пло=ти мудрова=ние/ и увенча=выйся
славы диади=мою./ Сла=ву даждь и нам обрести=,\ во
веки пребыва=ющую.

Глас 3: Схиму равноа=нгельную мона=шескую/
почти=л еси до=бре, Ники=форе Богочти=мый,/ Ангелом
равностоя=телю./ Бде=нии бо мно=гими/ прокаже=нную
плоть твою= умертви=в,/ к Небесе=м возводя=ше своя=
душе=внеи очи,/ сего ради, те=лом вознесе=н,/ та=мо
су=щия добро=ты созерца=ше неудобозри=мая./
Моли=ся со Ангелы непреста=нно,/ я=ко да Богу

угоди=ти сподо=бимся,/ растворя=ющему
возлю=бленным Свои=м\ мир и ве=лию милость.

Глас 4: Сокро=вище нетле=нное/ обре=л еси на
Небесе=х,/ Ники=форе всеблаже=нне:/ возлюбил бо еси
нищету/ паче зла=та и сребра=,/ нестяжа=ние избра=л
еси=, та=кожде и послуша=ние,/ па=че всех
многоце=нное./ Образ соде=лася кро=тости, мира же
рачи=тель,/ безгне=вия друг и учи=тель,/ и вся=ческаго
смире=ния де=латель наро=чит./ Сия и нас возде=лати
сподо=би/ в чи=стей со=вести,/ я=ко да бога=тныя
благода=ти да=ры\ от Бога восприи=мем.

Слава, глас 5:

Ве=лий Критский оток,/ мать твоя свяще=нная,/
хва=-лится честны=м твоим пра=зднеством,/
Ники=форе велико-имени=тый./ Хио=с же наипа=че
красу=ется,/ в сем бо, твер-до пренеся= страда=ния
многая,/ написа=лся еси терпе=ни-ем./ Бога просла=вил
еси, ди=внаго во святых,/ тя про-сла=вльшаго чудесы=
изоби=льными/ и показа=вшаго тя Ду=ха сосу=д./
Моще=й твоих ра=ку яви=л еси/ кри=н Небе=с-наго
благоуха=ния ве=рным./ Сей покланя=ющеся
благого-ве=йно,/ благода=ть прие=млем живи=тельную\
и ве=лию ми=лость.

И ныне предпра=знства, глас 4:

Иса=ие, ликуй, Слово Божие восприе=м,/ прорцы=
Отрокови=це Мари=и:/ купине= горе=ти и огне=м не
сгара=ти заре=ю Божества=./ Вифлее=ме,
благоукраси=ся,/ отве=рзи врата=, Еде=ме,/ и волсви=,
иди=те ви=дети спасе=ние,/ в я=слех повива=емое:/
Его=же звезда= показа= верху= верте=па,/
Жизнода=вца Го=спода,\ спаса=ющаго род наш.

На стиховне, глас 5.

Подобен: Радуйся:

Ра=дуйся, служи=телю Христов,/ Сию=на
Боже=ственного би=сере многоце=нный,/ о=бразе
воздержа=ния,/ молитвы непреста=нные сокро=вище
ве=лие/ и учи=телю, благодати испо=лненный,/
прозре=ния зерца=ло,/ нестяжа=ния соверше=нного
зна=мение,/ смире=ния глубо=каго восхожде=ние;/
утеше=ния словесы= твоими/ утвержда=яй
изнемога=ющия,/ благодати Уте=шителивы
раздая=телю,/ благоуха=ние неизрече=нное,/ честны=й
Ники=форе, прокаженных благоукраше=ние\ и сия=ние
незаходи=мое.

Стих: Честна пред Го=сподем/ смерть преподобных Его.

Прокаже=ние твоя= плоти яко Иов/
доблему=дренне, Никифоре, поне=сл еси,/ сердцем
чистейшим благодаря Бога,/ и, проходя= стезю
спасе=ния,/ Ангельскою схи=мою разу=мно
оболче=нный,/ внимая Анфи=мовым науче=нием,/ и
по=стничества боже=ственный столп соде=лався,/
подви=жниче иску=снейший я=же свыше
страда=льчества,/ до=блести кова=льнице,/ терпе=ния
напечатле=ние,/ звездо,= блистающая во тьме
сидя=щим,\ Божия све=тлосте.

Стих: Блажен муж, боя=йся Господа/ в за=поведех Его
восхо=щет зело.

Крит ныне ра=достию игра=ет,/ яко светоно=сна тя
сына показу=я/ и но=ваго страда=льца увенча=нна,/ о
Ники=форе прокаже=нне,/ сне=га всяко чисте=йший,/ с
ним же вку=пе/ Александри=я хва=лится/ и
добросла=вный веселится оток Хио=сский,/ его=же

благослови=л еси по=ты твоими./ Стольный же
имени=тый/ Афинский град сликовству=ет,/ в нем бо
веры путь/ в терпении сконча=л еси,/ Едем же
сра=дуется,/ в его=же лоне дух твой\ выну
водворя=ется.

Слава, глас 8:

На небовосхо=дную ле=ствицу добродете=лей/ вшел
еси, Никифоре небому=дре,/ уче=ньми вели=каго
наста=вника Анфима путеводи=мь./ Сей в Хио=се
преподо=бно освяти=ся/ и Церковь всю преди=вно
осия=./ С ни=мже Бога моли,/ освяти=тися и нам/
Божественною све=тлостью в Царствии Его,\ яко Отец
есть неизче=тно Благоутро=бный.

И ныне, глас то=йже:

Восприими=, Вифлее=ме, Бо=жию митропо=лию:/
Свет бо незаходи=мый в Тебе роди=тися прихо=дит./
Ангели, удиви=теся на Небеси=, / челове=цы,
просла=вите на земли,/ волсви=, от Перси=ды
пресла=вный дар принеси=те,/ па=стырие, свиря=юще,
трисвято=е пе=ние сла=дце воспо=йте:/ вся=кое
дыха=ние да хва=лит Вседе=теля.

Тропарь, глас 4.

Подобен: Вознесыйся на Крест:

Пло=ти твоя= прокаже=ние/ мужему=дренно, яко
Иов,/ претерпе=л еси, Ники=форе,/ ризу же души=
твоя= / све=тле очи=стил еси,/ соверше=нне же на
ле=ствицу добродетелей восше=д, / по=двиги твои=ми/
жи=тельства Ангельского дости=же,/ непреста=нно Богу
поя=:/ Тебе слава подоба=ет,\ Тро=ице Единосу=щная.

Ин, глас 1.

Подобен: Пустынный житель:

Ники=фора преподо=бнаго прокаже=ннаго
боре=нием/ и е=же в по=двизех му=жеству/ удиви=шася
А=нгели,/ яко други=й бо Иов/ боле=зни претерпе=,
сла=вя Бога,/ ныне же сла=вою увенчава=ется от Него=/
чуде=с раздая=нием./ Радуйся, мона=хов наста=вниче,/ ра=дуйся,
челове=ком укрепле=ние,/ ра=дуйся,
благоуха=ния обра=дование\ излива=яй от моще=й
ТВОИХ.

Тропарь предпра=зднства, глас то=йже:

Гото=вися, Вифлее=ме,/ отве=рзися всем, Еде=ме,/ красуйся, Евфра=фо,/ яко древо живота/ в верте=пе процвете= от Девы:/ рай бо Оноя чрево яви=ся мы=сленный,/ в не=мже Боже=ственный сад, / от него=же я=дше, жи=ви бу=дем, / не я=коже Ада=м у=мрем. / Христос ражда=ется\ пре=жде па=дший возста=вити образ.



НА УТРЕНИ

По 1-м стихосло=вию седа=лен, глас 1.

Подо=бен: Гроб Твой, Спасе:

Да игра=ет, пра=во ве=руя, все собра=ние,/ во усте=х име=я песнопе=ния/ прокаже=нному ко удобре=нию, Никифору всечестно=му,/ и=же про=йде путь печа=лей, ра=дуюся,/ и показа=ся вся=кому смире=нию/ ме=ра превосхо=дная.

Слава, глас и подобен тойже.

Кри=та, ото=ка ве=лия, све=тлосте,/ прииди=, возра=дуйся, прокаже=ннаго Ники=фора зря=щи,/ в ри=зу блиста=ющую душе=ю оболче=ннаго/ и

нетле=нный сла=вы вене=ц нося=щаго:/ со Ангелы же
во Све=те пребыва=юща/ в Боже=ственных Селе=ниях.

И ны=не, глас 1.

Подобен: Камени запечатану:

Просвети=ся тварь,/ Зижди=тель бо предгряде=т
роди=тися в верте=пе за неизрече=нную ми=лость./
Па=стырие, сря=щите со тща=нием,/ зря=ще чу=до
стра=шно./ Прииди=те, волсви=,/ да=ры рука=ми
держа=ще и глаго=люще:/ слава рожде=нному Царю=,
сла=ва Путеводство=вавшему ны./ Сему, яко Царю
всех, поклони=мся пло=тию.

По 2-м стихосло=вию седа=лен, глас 5.

Подобен: Собезнача=льное Слово:

Богодухнове=нными твоими страда=нии/ че=стне
украси=л еси остров Хио=с, всеблаже=нне,/ стойко
претерпев прокаже=нных затворе=ние,/ Христово
Божественное имя возлюби=в от всея души,/ науча=яся
я=же па=че ума Анфи=мовыми высо=кими словесы=,/ и
соде=лався, Никифоре, в подвизе,/ ве=лий светоч
Христов.

Слава, глас и подо=бен то=йже.

Иовлеву подража=ше крепкоду=шию/ в бу=рех
жите=йских и многообра=зных беда=х, Ники=форе,/
изде=тска претерпе=в боле=зни/ в прокаже=нии твоя=
пло=ти,/ о=чию помраче=ние и удо=в разслабле=ние,/
ныне же лику=еши со Ангелы/ у Престо=ла Владыки
Христа.

И ныне, глас 3.

Подобен: Дева днесь:

Деву, ражда=ющую Преве=чное Сло=во,/ Ио=сиф
пра=ведный песносло=вя, вопия=ше:/ ви=жду Тя,
бы=вшую храм Госпо=день,/ нося=щую вся челове=ки

спасти= прише=дшаго,/ и воспева=ющия Того= за
милосе=рдие,/ Боже=ственные хра=мы показу=ющаго.

По полиеле=и седа=лен, глас 4.

Подо=бен: Удивися Иосиф:

В терпе=нии, страда=льче,/ кре=пких боре=ний
изря=дне,/ и=же в прокаже=ния пла=мене,/ я=коже
о=троцы опаля=емь,/ и душе=ю твое=ю неги=блем
пребы=в,/ сию= же па=че све=та сотвори=в чи=сту
сия=юще:/ Тро=йческаго Божества= блиста=нием,/ о
Ники=форе досточти=ме,/ Бога моли\ всем душе=вных
скве=рн омы=тися.

Слава, глас и подо=бен то=йже.

Бдения рачи=теля,/ в созерца=нии умудре=ннаго,/
делателя ве=рнаго непреста=нныя моли=твы,/
нестяжа=ния и=стинное начерта=ние,/ по=стничества
борца= досто=йнаго,/ упра=вителя неле=стнаго ко
смире=нию,/ послуша=ния сокро=вище духо=вное,/
Ники=фора да почти=м/ сла=вою преизоби=льною,\
его==же Владыка досто=йно увенча=.

И ныне, предпра=знства, глас 4.

Подобен: Скоро предвари:

Боже=ственно весели=тся тварь вся днесь:/ Христо=с
бо Госпо=дь, Божий Сын,/ из Девы ражда=ется
Чи=стыя,/ весь род челове=чь обезсме=ртствуя,/
разреша=я же кля=тву прама=тере Евы./ Тем яко
Благоде=телю на=шему пе=ние принесе=м.

Степе=нна, 1-й антифо=н 4-го гласа. Проки=мен, глас 4: Честна= пред Го=сподем\ смерть преподо=бных Его=.
Стих: Что возда=м Го=сподеви о всех, я=же воздаде= ми?
Вся=кое дыха=ние: Ева=нгелие от Матфея, зачало 43.

По 50-м псалме= стихи=ра, глас 6:

Христо=вы Це=ркве освяще=нное свети=ло,/ превы=ше горы= пребыва=ющее/ и сия=нием добродетелей/вся концы= озаря=ющее,/ Ники=фора прокаже=ннаго да восхва=лим./ Сей бо еле=ем терпе=ния/ душе=вный свети=льник испо=лни/ и, угото=вився, вни=де с му=дрыми де=вами/ в ра=дость Го=спода своего,\ славя Его всесвято=е и=мя.

Канон предпра=знства и сей, глас 6, его=же
краегране=сие:

Ники=фора прокаже=ннаго хвалю=. Исидо=рово.

Песнь 1

Ирмос: *Яко по су=ху пешеше=стов Изра=иль,/ по бе=здне стопа=ми, гони=теля фарао=на ви=дя потопля=ема,/ Богу побе=дную песнь пои=м, вопия=ше.*

Побе=дными ликовствова=нии увенча=н,/ Ники=форе всече=стне,/ прокаже=нную мою душу/ чи=стыми твои=ми озари= моли=твами,/ во е=же просла=вити твоя по=чести.

Цельбы= точа=щею благода=тию/ от Бога оби=льно обогатился еси, Ники=форе свяще=нне,/ яко подъя=вый прокаже=ния преболе=зненнаго/ многоле=тняя у=зы, присноблаже=ннейший.

Преукраше=н красото=ю добродетелей,/ и зла=та светле=е блиста=я су=щим на земли=,/ сия=ющих лучей твоих заря=ми,/ Ники=форе, сердце мое возвесели=.

Богородичен: Вы=шняго дре=внее, Отрокови=це, изволе=ние/ в Тебе конец прия=т, Марие, всеи=стинно,/ яко Ро=ждшей Безнача=льнаго Бога,/ возводя=щаго челове=ки в Рай.

Песнь 3

Ирмос: *Н*есть свят,/ я=коже Ты, Го=споди Бо=же мой,/ вознесы=й рог ве=рных Твои=х, Бла=же,/ и утверди=вый нас на ка=мени/ испове=дания Твоего=.

Гласом взыва=ше к Богу, я=коже Иов, Ники=форе,/ благоутро=бие Его из глубины= благословля=я,/ яко в прокаже=ния огни=/ душу твою Боже=ственно очи=стил есть.

Путь далеча=йший прохожда=ше/ от Кри=тского ото=ка/ ко граду Александри=йскому, блаже=нне,/ прибыв поспеше=нием/ и бе=дами жите=йскими, Ники=форе, иску=сно пользу обрета=я.

Жезл любве= Бо=жия име=я яко утвержде=ние,/ сиротства преше=л еси тесне=йшую стезю=,/ на Небеснаго Отца твою наде=жду, Ники=форе, возлага=я.

Богородичен: Отню=д не растли= Твою утро=бу Бог, Дево, всели=вся в ню, но, неизрече=нно вопло=щся, та=ко от тли сме=ртныя изведе= род челове=ческий.

Седален, глас 8:

Подобен: Премудрость и Слово:

Нищеты богатство восприи=м, прямоду=шно преше=л еси те=сную стезю вы=шняго соверше=нства,/ Ники=форе блаже=нне,/ в преподо=бнических бо нра=вех до=бре возвы=сился еси,/ и монахов украси=л еси божественная собрания,/ боле=ния претерпе=в тя=жкия немощи, прокаже=ния плоти,/ о=чию ослепле=ние и чле=нов расслабле=ние,/ Господа прославля=я выну, тя обогати=вшаго Небесными дарова=нии/ и показа=вшаго сосуд благоуха=нный Духа.

Слава, и ныне, предпразднства, глас 8.

Подобен: Повеленное тайно:

Рождества= Христо=ва предпра=зднственная
соверша=юще,/ ве=рнии, торжеству=им и досто=йне вси
предусря=щим, / я=ко волсви=, даронося=ще
доброде=тели, воспе=ти а=нгельскую песнь но=вую/ от
Де=вы Богоотрокови=цы в Вифлее=ме без се=мене
ро=ждшемуся Богу на=шему, / Его=же славосло=вят
вся=ческая.

Песнь 4

Ирмос: *Христос моя си=ла,/ Бог и Господь, честна=я
Це=рковь/ боголе=пно пое=т, взы=вающи/ от смысла
чиста, о Го=споде пра=зднующи.*

Поста=ми соверши=л еси жизни по=прище,/ бде=нии
всено=щными и молитвами,/ яко ангел земны=й во
плоти пожи=в, Ники=форе предиде=вне.

Служе=ние воздал еси Богу в Ду=се/ смире=ния и
сокруше=ния, блаженне, ра=дуюся,/ сего ра=ди
восприя=л еси, о Ники=форе,/ от Него пи=щу
нетле=нную.

Во ото=це Хио=сстем пожи=л еси,/ в приста=нище
прокаже=нных,/ и в мона=шескую оде=ялся еси схи=му
честну=ю,/ те=мже сла=ву восприя=л еси, в по=двизе
твоём до=бре,/ Ники=форе свяще=ннейший.

Богородичен: *Отца изволе=нием Сына родила= еси,
Пресвятая Дево, без се=мене,/ Дух бо Святы=й во
утро=бу Твою всели=ся,/ Богоро=дицу Тя сотвори.*

Песнь 5

Ирмос: *Божиим све=том Твоим, Бла=же,/ у=тренующих Ти души любо=вию озари=, молю=ся,/ Тя
ве=дети, Сло=ве Божий,/ и=стинного Бога,/ от мра=ка
грехо=внаго взыва=ющая.*

Глаголом божественного тайноводца внимающе,
Анфимамудраго, / стезею учаща твоя шествовати
нравы благиими ко угождению Богу, / Егоже,
Никифоре, возвеличил еси.

Очию ослепление тленных терпаше, славя Бога, /
свет созерцающа Фаворский, Никифоре, светильниче
Христов, являюща на земли свет Евангелия
претихий.

Обнови во пажить душевную веры разлом святым, /
клас воздал еси богатый, / всех верных сердца
утверждающа нынче, / люблю, Никифоре,
воспевающих тя.

Богородичен: Мира родила еси Источник,
Владычице Дево Марию, / вся языки примирила еси
Владыце всех Богу / и древле расточенная / Того
волею во едино совокупила еси.

Песнь 6

Ирмос: Житейское море / воздвигаемое зря
напастей бурию, / к тихому пристанищу Твоему
притеку, вопию Ти: / возведи от тли живото мой,
Многомилостиве.

Тихости познал еси, Никифоре, источник, / и жаждущий елеень несумненно притекаше пити
воду, / жажду твоя души утоляющую, воистинну.

Удобри во нравы твоими прокаженных собрание, / в
добродетелях пребыл еси, Никифоре, / в
преставлении светло возсиявая и лице земли
всесвященно украсив.

Виден был еси на воздушных носимъ в час
молитвенный, / твоему ученику, богоприятне,

Евме=нию,/ прибли=жшуся ти но=щию/ и узре=вшу
Небе=сная, Никифоре, чудеса=.

Богородичен: Марие Богоневе=сто, де=вства чи=стый
и нескве=рный Черто=же,/ душу мою, во тьме страсте=й
седа=щую,/ возста=ви Твоими мольбами к Богу,/ Иже в
Тебе воплоти=ся.

Кондак, глас 8:

Подобен: Взбранной:

Терпе=ния борца= до=блественнейшаго,/
послуша=ния же неподви=жимую тверды=ню,/ в
ско=рби не=мощей искуше=ннаго,/ и та=ко Бога
просла=вльшаго,/ Ники=фора прокаже=ннаго
похва=лим,/ сему= глаго=люще:/ радуйся,/ побе=ды
нося=й имя.

Икос

Непрекло=нен в по=двизе, Ники=форе, показа=лся
еси=, прокаже=ния претерпе=в боле=зни. И Богу
всеобра=зно себе предава=я, благода=рные Тому
хвалы= приноша=ше, от чи=стаго се=рдца твоего=,
богоно=се. Тем и ны=не мы, благочести=вою любо=вию
исполня=еми, вопие=м ти тща=нием такова=я: радуйся,
кре=посте воздержа=ния; радуйся, исполи=не
терпе=ния; ра=дуйся, боле=зни понесы=й в му=жестве;
ра=дуйся, благоле=пие позна=вый в му=дрости;
ра=дуйся, преподо=бных о=бразе, и=ноком
упра=вителю; ра=дуйся, ве=рных к Боже=ственным
доброде=телем наста=вниче; ра=дуйся, све=та сто=лпе,
тварь озаря=яй; ра=дуйся, Це=ркве свеще=, ду=ши
увеселя=яй; ра=дуйся, Кри=тская сла=во и сы=не
прекра=снейший; ра=дуйся, Хио=са похвало=,
Анфи=мов учениче=; ра=дуйся, прокаже=нием
очи=щенный па=че зла=та; ра=дуйся, ве=ру

сохра=ньший ко Христу=, твоему= Жениху=. Ра=дуйся,
о=тче Ники=форе, побе=ды нося=й и=мя.

Песнь 7

Ирмос: *Росода=тельну у=бо пещь соде=ла А=нгел/
преподо=бным отроко=м, халде=и же опаля=ющее/
веле=ние Бо=жие, мучи=теля увеща= вопи=ти:\
благослове=н еси=, Боже отец на=ших.*

Превели=каго тя позна=хом учи=теля/ трезве=ния и
непреста=нная моли=твы,/ от Анфи=ма бо, Ники=форе,
ей научи=ся,/ и воспева=ше всю душе=ю:\
благослове=н еси=, Бо=же оте=ц на=ших.

Преуспе=в в честны=х боре=ниях,/ вене=ц прия=л
еси све=тел и неувяда=емь, Ники=форе,/ те=мже в
ра=дости Го=сподеви хва=лу возно=сиши:/
благослове=н еси=, Бо=же оте=ц на=ших.

Ревни=тель Иову боже=ственному яви=лся еси=,/
прокаже=ние претерпе=в пло=ти и, я=звы гно=йныя
твоя=, Ники=форе, нося= му=жественно,/ ра=дуюся,
воспева=ше вы=ну:/ благослове=н еси=, Бо=же оте=ц
на=ших.

Богоро=дичен: Красоты= я=ко жили=ще су=щи,
Влады=чице Богоро=дице Чи==стая,/ Красне=йшаго
добро=тою² родила== еси= Бо=га/ и вся воздви=гла
еси= вопи=ти: благослове=нна еси==, Бо=га пло=тию
Ро=ждшая.

Песнь 8

Ирмос: *Из пла=мене преподо=бным ро=су источи=л
еси=/ и пра=веднаго же=ртву водо=ю попали=л еси=:/
вся бо твори=ши, Христе=, то=кмо е=же хоте=ти.\
Тя превозно=сим во вся ве=ки.*

² Ср.: Красе=н добро=тою па=че сыно=в челове=ческих (Пс. 44, 3).

Изря=дные в боре=ниях поста=вил еси побе=ды/ и
Бо=га, ве=нцы даю=щаго, по=двиги твои=ми
возвесели=л еси,/ сего= ра=ди от Него= светоиме=нную
честь восприя=л еси/ и благоуха=ния то=ки, Ники=форе.

Вити=йству зло=бному, о=тче, посмея=лся еси/ и
му=дрости го=рняя зерца=ло сотвори=лся еси:/ зре=ти
дале=че до=бре, глаго=лати бу=дущая/ и разуме=ти
Боже=ственная, Ники=форе.

Свята=го Уте=шителя устне= сотвори=лся еси и
сло=во уве=тливое, ра=дуюся, преподава=ше:/
боле=зней бо путе=м теки=й, показа=лся еси
прича=стник/ мир подаю=щая благода=ти, Ники=форе.

Богородичен: **С**и=льное в кре=пости Сло=во
ро=ждшая,/ якоже Сей изво=ли, Пречи=стая
Влады=чице:/ естества= зако=ны, Честна=я, еди=на
обнови=ла еси./ Тебе та=ко взыва=ем: ра=дуйся во
веки.

Песнь 9

Ирмос: *Бога челове=ком невозмо=жно ви=дети,/ на
Него=же не сме=ют чи=ни Ангельстии взира=ти;/
Тобо=ю же, Всечи=стая, яви=ся челове=ком/ Слово
Воплоще=нно, Его=же велича=юще,/ с Небе=сными
во=и\ Тя ублажа=ем.*

Аще хо=щет настоя=тель, пое=м припе=вы сия=:
Велича=й, душе моя, прокаже=ннаго Ники=фора,/
по=двиги терпе=ния све=тло возвели=ченнаго.

Яко ве=лие бога=тство ве=рным оста=ви/
свяще=нные и благоуха=ния по=лныя мо=щи твоя=:/ в
сих бо Духа Свята=го многая благодать обита=ючи,/
всем разделя=ет, Ники=форе, здра=вие и живота=
боже=ственное восприя=тие.

Припев: Велича=й, душе моя, прокаже=ннаго
Ники=фора,/ преподо=бных боже=ственных собо=ры
досто=йно украси=вшаго.

Ле=гце стезю= у=зкую проше=л еси/ в широте=
се=рдца, Ники=форе преблаже=нне,/ и во дворы=
всели=лся еси, по=лны све=та, Гра=да Небе=снаго,/
сего ра=ди Господу своему вку=пе с от века
избра=нными прино=сиши хвалу=.

Припев: Велича=й, душе= моя, прокаже=ннаго
Ники=фора,/ благода=ти Уте=шителей сокро=вищницу
благоуха=нную.

Ангельским чино=м свесели=шися на Небесе=х
неизрече=нно, Ники=форе всепе=тый:/ пло=тию яко
невеще=ствен, подвижа=ся на земли=,/ боле=зни
претерпе=в боже=ственной му=дростию,/ сего= ра=ди
ныне причаща=ешися весе=лаго ра=дования.

Припев: Велича=й, душе= моя,/ Честне=йшую и
Сла=внейшую Го=рних во=инств.

Богородичен: Прему=дрость, Сло=во Бо=жие и
Си=лу во Твое=й утро=бе, Де=во, пресла=вно
вмести=ла еси= и Ада=ма возвела= еси= к Престо=лу
Бо=жию, сла=вы же предсто=теля того= сотвори=ла
еси, яко Твою= да сла=вит непреста=нно благосты=ню.

Светилен, глас 3:

Подобен: Небо звездами:

Му=ки прокаже=ния претерпева=я му=жески,/ души=
хито=н освети=л еси прекра=сно, о Ники=форе,/
побе=ды нося=й предо=брыя и=мя.

Слава и ныне: Предпразнства:

Да ра=дуется Не=бо, и земля= да весели=тся./
Верте=пе, просвети=ся,/ я=сли же, подыми=те

Созда=вшаго челове=ка руко=ю яко Младе=нца,
ражда=ющаяся от Де=вы./ Ангелов мно=жество,
возопи=йте я=сно:/ сла=ва Богу в Вышних.

На хвалитех стихиры на 4, глас 1.

Подобен: Небесных чинов:

Да пра=зднует ны=не/ Критский ото=к вели=кий,/ и
я=коже ма=терь,/ ру=це весе=лием да воздева=ет,/
воспева=я своего= но=ваго сы=на,/ Ники=фора
всечестна=го,/ претерпе=вшаго прока=зы страда=ния,\
адама=нта тверде=йшаго.

Якоже Иов, Ники=форе,/ до=блественно ноша=ше
печа=ли,/ изде=тска сиро=тен и стра=нен,/и
прокаже=ния боле=знь,/ и помраче=ние теле=сных
очес,/ оба=че Небе=сные добро=ты новоле=пно\
созерца=ше в сердца=х своем.

Терпе=ния, Ники=форе, уста=в соде=лася,/
крепкоду=шия ме=ра, воздержа=ния пра=вило,/ све=точ
зарено=сный послуша=ния,/ моли=твы же учи=тель,/
смире=ния степе=нь высокотво=рная\ и кро=тости
сокро=вище.

Уче=нием Анфи=мовым послу=шен,/ соде=лался еси
Сию=на Го=рняго/ ка=мень златоза=рен, Ники=форе,/
па=че сне=га душу свою убеля=я, блаже=нне,/ и
издае=ши мощьми= святы=ми твои=ми\ благоуха=ние
Небе=сное.

Слава, глас 8.

Всесвята=го Духа клеть свяще=ннейшую,/ снега
чисте=йшее зерца=ло добродетелей,/ Христу
любе=знаго друга,/ Ники=фора да возвели=чим./ Сей бо
душе=ю своею/ возвели=чи Го=спода,/ сла=дная Того

слова= / от сердца поя= приле=жно, / устне= же его
уте=шительны соде=лашася всем. / И ныне ра=достны
сотворя=ет покланя=ющихся \ весе=лие точа=щим
моще=м его.

И ныне: предпразнства, глас 5.

Не дряхлу=й, Ио=сифе, зря Мою утро=бу: / у=зриши
бо ражда=емаго от Мене=, и возра=дуешися, / и я=ко
Бо=гу поклони=шися, / Богоро=дица глаго=лаше ко
Своему= обру=чнику, / хотя=щи роди=ти Христа. / Сию=
воспой=м, глаго=люще: / ра=дуйся, Обра=дованная, с
Тобо=ю Госпо=дь \ и Тебе= ра=ди с на=ми.

НА ЛИТУРГИИ

Блаже=нны, песни 3-я и 6-я. Проки=мен, глас 7:
Честна= пред Го=сподем \ смерть преподо=бных Его=:
Стих: Что возда=м Го=сподеви о всех, я=же воздаде=
ми? Апостол к Гала=том, зача=ло 213. Аллилу=иа, глас
6: Блаже=н муж, боя=йся Господа, в за=поведех Его=
восхо=щет зело=. Стих: Си=льно на земли= бу=дет
се=мя его. Ева=нгелие от Луки=, зача=ло 24.
Прича=стен: В па=мять ве=чную бу=дет пра=ведник, от
слу=ха зла не убои=тся.